


Satan  
leh

# KHRIST Kidona



Watson Goodman' Kaihkhop

A mawka piak—Zuak ding hi lo

## SATAN LEH KHRIST KIDONA

Satan pen Pasion kamin “hih leitung kumpi” ci in kigen a, amah in Pasion’ gal lian pen leh Pasion’ piansakte laka a lian pen mihing hi. Ei mihingte pen galkidona phual lauhuai ah i om uh hi. Khrist leh Satan kidona nasia lua mahmah hi. Hihte nih lakah a kua pen a tawntunga eima pumpi uk dingin i teel ding hi. Khrist pen a Piangsakpa, Emmanuel (eite tawh Pasion om khawm hi) hi a, Satan pen a kipiangsak, Pasion langpang khempeuhte kumpi hi. Ama sihna leh thawhkikna tawh Khrist in Amah a um taktak mi khempeuhte adingin a kicing gualzawhna a ngah zo hi.

Satan in lampi tuamtuum tampi tawh mite kheemin pimang ding a sawm hi. Biakpiakna pen a thu tawpna pen hi. Eite a hong Piangsakpa Khrist bekin biak dinga kilawm pen hi. I biak peuhpeuh tawh a kipawl i hi hi. Satan in leitung buppi a mite a mat nading a hanciamna nunung pen phualpite in: (1) Pasion kiang pana tuam omna (2) dawite thumanna (3) “mi mawhpa” biakna (4) ama’ “lim” biakna leh, (5) lei nading leh zuak nadinga pumpi tunga ciamtehna. Hihte khempeuh kidawm in.

—Watson Goodman (1920-2002)

*Pasian in vanah dinmun sangpi nei dingin Lucifer a piangsak hi*

“Topa PASIAN ahi keima thugen, hih bangin gen in: Ni dang lai-in a kicing etteh pha khat na hi a, pilna leh hoihna tawh na kidim hi. Pasian’ Eden huan sungah na teng a, Suangmanpha nam khempueh tawh na kizem hi. Karnelian, Topaz, leh Jasper, Khrisolait, Beryl, leh Onik, Safeiros, Karbankel, leh Emerald suangmanphate, nangma kizepna hi a, kham tawh kibawl kizepna tampi zong na nei hi. Hihte khempueh nangma adingin na suah ni-in hong kibawlsak hi.

“Sathau a kinilh kherubte ka

hong cingsak a, ka mual siangtho tungah na teng a, a te zaizai suangmanphate lakah na vak kawikawih hi.”

*A kicinga kipiangsak hi*

“Gamtat siat ding na kipat mahun ciang dong, na suah tunga kipanin na gamtatna khempueh pauban’na khat beek om lo hi.”

*Pasian in mawhna hawlkhia hi*

“Na sum bawl luatna hangin ngongtatin mawhna sung na tungkha hi. Tua ahih manin ka mual siangtho panin nang ka hong hawlkhia a, a te zaizai suangmanpha lakte panin nang hong cing kherubte in hong hawlkhia uh hi.”

—Ezekiel 28:12-16

## 2 LUCIFER' MAWHNA BANG PATKHIATSAK HIAM?

Kisaktheihna in siatna hong tuaksak a, kiphatsakna in pukna hong piangsak hi. —Paunak 16:18

“Na mel hoihna na kisaktheih-pih kha a, na minthan'na in hong hai tatsak hi. Leilak ka hong den'na a, kumpi dangte hilkhoh-hna-in nang ka hong koih hi.”

—Ezekiel 28:17

### *A langpangte' sihna-manna*

“A man loin sum na bawl luat-na hang, tua bang na mawhna hangin, na biakna munte na siasak hi. Tua ahih manin khuapi sung ka hal a, a vekpi-in kangtum mang hi. Nang hong ente khem-peuh' muhna-ah, vut leh vai kong

suah hi. Nang a maimang paisuak na hita a, nangma tuah bang a tuah khak ding uh, nang hong theisa minam khempeuh, lau-in li-ing uh hi,” hong ci hi.

—Ezekiel 28:18-19

### *A kipiangsakte peuhmah a piangsakpa' nuaia a om ding hi*

Lungdamna tawh TOPA' na sem un! Ama omna-ah la sa kawmin hong pai un! TOPA pen Pasian a hihna thei un! Eite hong bawlpa in amah hi a, eite in ama aa i hi hi; eite in ama mi i hi a, ama gan khahna sunga a tuute i hi hi.

—Late 100:2, 3

“Nang Khuavak’ ta, Zingsol, Babilon kumpipa aw, vantung panin nang bangci kiat na hi hiam! Minamte a niam koihpa ahi nangmah lei lak dongah hong bangci kiphukpai ahi hiam! Nang in na lungsim sungah, ‘Van tungah ka kahto ding hi; a sangna mun, Pasian’ aksite’ tung pekah ka kumpi tokhom ka koih ding a, leilu lam pek-a kikhopna mual tungah zong ka tu ding hi; meiite’ tung pekah ka kahto ding a, Sang Penpa bangin ka kibawl ding hi,’ na ci hi.

“Ahih hangin nang pen, Leinuai thuk penna Leihawm sungah hong kikoih suk ding hi. Nang-

mah hong mu mite in nang hong en gega-in, nangma thu lungngai dedu ding uh a, ‘Hih mipa pen, leitung a liingsakpa, kumpi gamte a lok gawppa, leitung pen sehnel gam suaksakin, khuapite a susiapa, thong sungah a khum mite pen innah a ciah sak lopa pen hihpa hilo ahi hiam?’ hong ci ding uh hi. Minamte’ kumpite kemppeuh pen amau’ hankhuk sung ciat uh-ah minthangin lum uh hi; . . . namsau tawh a kithat mi a uihte, Suanghawmpi sunga a pai sukte, khe tawh a kisikcip si luang hawmte bangin, na hankhuk pua lamah hong kilawnkhia hi.”

—Isaiah 14:12-19

## PASIAN KIANG PANA SUAHTAKNA PEN SIHNA HI

### *A masa pen Lucifer*

*(Lai mai 3 na Lucifer ngate en in  
Isaiah 14:13, 14.)*

Jesu in, "Satan in khuaphia  
bangin vantung pan hong kiasuk  
ke'n ka mu zo hi." —Luka 10:18

### *Satan nung a zui vanmite*

... Pasion in a khial vantungmi-  
te pammai sa lo-in, hel khua su-  
ngah a khat khat ciangin thukhen  
Ni dongin khuamial khuk sungah  
a khum hi. —Piter Nihna 2:4

### *Mite zangin Satan in hong khem thei*

Kisaktheihna tawh haiin, Dawi-  
mangpa' thuak mawhna thukhen-  
na a thuak ding lauhau ahih cia-

ngin pawlpi sungah a tum thak mi  
a hi kei ding hi. —Timoti Masa 3:6

### *Satan in mi tungah vai a hawm hi*

Amaute pumpi uh kisiatna' sila  
a hi napi-in, "Suahtakna ka hong  
pia ding uh hi," a ci uh hi.

—Piter Nihna 2:19

### *Van in deihna khat bek nei ding —Pasion' deihna kicing*

Hih leitungmite bangin na om  
kei un. A hoih, a deihhuai, a kicing  
a hi Pasion' deihna in bang a hi  
hiam ci-in na khen theih na'ngun  
na lungsim uh bawl thakin, na lim  
uh na kilamdangsak un. —Rom 12:2

Hell in tawntunga khat leh khat ki-  
huatna tulza tampi nei hi.

## BIAKNA KHEMPEUH TUNGA PASIAN' THUNEIHNA 5

“ ‘Keimah in salsuahna, Izipt leitang panin nang a hong paikhi-atpih TOPA na Pasian ka hi hi. Keimah longal pasian dang na nei kei ding hi.’ ” —Thu-hilhkikna 5:6, 7

Ama min in ngah dingin a ki-lawm zah ciang dong minthanna TOPA tungah pia un; biakna pai-pih un la, ama mai-ah pai un! Biakna puan silhin TOPA bia un.  
—Khang-tangthu Masa 16:29

Jesu in “Satan aw, kihemkhia in. ‘Na Topa Pasian na bia ding hi; ama na bek na seem ding hi,’ ci-in Lai Siangtho sungah kigelh hi,” a ci hi.  
—Mattiu 4:10

Kei in tua vantungmi' khe kia-

ngah bokin bia dingin ka kisak leh amah in, “Kei hong bia kei in! Kei in nang tawh a hi zongin, Jesu' teci pan'na a sang na unaute tawh a hi zongin sila ka hi khawm hi. Pasian bia in. Bang hang hiam na cih leh, Jesu' teci pan'na thu in kamsangte lungsim a hi hi,” ci-in kei kiangah hong gen hi.

—Mangmuhna 19:10

*A kikhemte'n galte a bia uh hi*

Leitung mi khempeuh in tua sahang zui-in, lamdangsa-in amah ana a pia gulpi a bia uh hi. Sahang zong, “Kua in hih sahang tawh kibang hiam? Kua in amah tawh kido zo ding hiam?” ci-in a bia uh hi.

—Mangmuhna 13:4

Dawimangpa in mual sangpi dawnah Jesu paipihto a, leitungah a om gam khempeuh leh gam sungah a om, minthan'na a lah khit ciangin, "Nangmah in bokin hong bia leteh, kong lah khempeuh ka hong pia ding hi," a ci hi.

—Mattiu 4:8, 9

Tua gimna hanga a si lo a om lai mite in dawi gilote tawh, a za ngeilo, a mu ngeilo, a pai thei ngeilo kham milim, ngun milim, sumngo milim, suang milim, sing milimte a biak loh nadingun amau khut tawh a bawlnate a kisik lo tham lo hi.

—Mangmuhna 9:20

... ciamtehna nei-in, ama milim a bia mite tungah kihhuai meima

a piang hi. Tua lai takin tuipi in a sungah a om mi site a puak hi, Sihna leh Sihna Gam in a sunguhah a om mi site a puak uh a, mi khempeuh in a gamtatnate bangin thukhenna a thuak uh hi. Sihna leh Sihna Gam mei li sungah a kiasuk hi. Tua mei li in nihna sihna a hi hi.

—Mangmuhna 16:2b leh 20:13, 14

"Keimah in TOPA ka hi a, TOPA pen keima min ahi hi; Pasion dang' tungah keima minthan'na bang ka ngahsak kei a, a kisui milimte tungah zong keimah hong kiphatnate bang ka ngah sak kei hi."

—Isaiah 42:8



*Satan' vanmi puksate sangin  
Topa' vanmite a hatzaw uh hi*

Ama thugen a ngai, ama thu bang-a a sem no a thahat, no ama vantung mite aw, TOPA phat un!

—Late 103:20

Tua ciangin vantungah gal kido-in, Mikhael leh ama vantung-mite in gulpi tawh a kido uh hi. Gulpi leh a nungzuite in a do uh a, a gualleh uh ciangin amaute in vantungah a om thei nawn kei uh hi.

—Mangmuhna 12:7, 8

*Pasian' vanmi siangthote in  
Topa' mite ading na sepsakin a  
keem uh hi*

Vantungmite khempeuh in gup-na luah nading mite keem dingun,

sawltak naseem ding khate hi lo a hi uh hiam? —Hebru 1:14

Bang hang hiam cih leh na lampi khempeuhah nangmah hong cing dingin amah in ama vantung mi nang hong kemsak ding hi.

—Late 91:11

*A puksa vanmite (dawite, kaute)  
in mite hell ah paipih  
a sawm uh hi*

Kha Siangtho in a tel taka a gen kholhinah, a tawpna hun ciangin, amau lungsim uh kisuan'na-ah sik sa tawh ciamtehna a ngah khit un ciangin, zuau thu a gen thei mite' simtatna hangin mi kim khat in upna thu zui nawn lo hi.

—Timoti Masa 4:1

## KUA LEH BANGTE SATAN IN HUA DIAKSE HIAM

*Mihing, Pasion lim leh  
meel suna kibawl*

A pai lai takin dawi in naupang leiah puksakin a kongkawsak hi. Jesu in kihhuai dawi taai a, nau-pang a damsak khit ciangin a pa kiangah a pia hi. —Luka 9:42

*Khrist (Ci leh sa a  
hong om Pasion)*

Herod kumpipa in mi pilte' khemna a theih ciangin a thang-pai mahmah a, mite sawl a, mi pilte kiangah a tel taka a dot hun tawh kituaksepin Bethlehem khua-a kipan khua kimah a om kum nih nuaisiah pasalno khem-peuh a thatsak hi. —Mattiu 2:16

*Pasion' Thu—Satan in nial*

“Pasion in, ‘Huan sung sing khat peuhpeuh ne lo ding,’ hong ci ahi hiam?” ci hi. Ahih hangin gulpi in numei kiangah, “Na si kei ding uh hi.” —Piancilna 3:1, 4

*Israelte, Pasion' teel minam*

Leitungah a kikhiasuk zo hi cih a theih ciangin gulpi in tapa suak numei a bawlsia hi.

—Mangmuhna 12:13

*A ummi kha a suakte*

... na gal uh a hi Dawimangpa in a hawk thei humpinelkai bangin kua mi ka ne ding hiam ci-ni zong kawikawi-in a om hi.

—Piter Masa 5:8

***A neipa hihna kiciamtehna ciing***

Hamsiatna cikmah hunin om kik lo ding hi. Pasion leh Tuuno' silate in Topa bia-in, a maitang a mu ding uh hi. A min zong amaute taltang tung uhah a om ding hi.

—Mangmuhna 22:3, 4

*(Satan' mi omdan ciinna, laimai 35 en in.)*

***Zuauthu tawh Lungdamna  
Thupha lumlet***

Khris' thupha hehpihna hangah note hong sam mi tawh hih zah taka manlangin kikhenin 'lungdamna thu' na sang uh ahah ciangin lamdang ka sa hi! Tua Lungdamna Thuin 'lungdamna thu dang' a hi kei hi. Note hong bawlsia-in

Khris' Lungdamna Thu a lumlet nuam mi kim khat a om uh hi.

—Galati 1:6

***Pasion' na lamdang bawlte leh  
zuauthu genna tawh a lamdang-  
te a kidemna***

*(// The. 2:9; Mang. 13:13, 14; 19:20)*

***Thuman thutak tawh mi khat-  
peuh in Amah a biak ciangin,  
Khris' in vaihawmna a lak  
bangin, mite in amah a biak  
ciangin, Satan in amau tungah  
vaihawm hi.***

TOPA kote' Pasion aw, nang ahi lo to dangte in ko tungah hong uk hangin, nangmah bek mah kote' TOPA na hi hi.

—Isaiah 26:13

# MILIM BIAKNA PANIN NANG LEH NANG KIKEEM IN

Ka ta neute aw, milimte na tang un.  
—Johan Masa 5:21

“Keimah longal pasian dang na nei kei ding hi. A kiseek milim hita leh, tunga vantung hita leh, nuai-a lei sung hita leh, lei nuai-a om tui sungah hita leh a om na khat peuhpeuh a sun khat peuhpeuh nang adingin na bawl kei ding hi; amaute mai-ah kun loin, amau' na na sem kei ding hi.”

—Paikhiatna 20:3-5

*Pasian dangte in Pasian adingin  
kihhuai hi. Mihing tawh kitha-  
wihnate kikhaam*

Na suankhiat ding uh minamte

in amau' pasiante' na a sepna mual sangte tung leh mual neute tung leh singniim nuai, mun khempeuh na usia taktak ding uh hi; ... TOPA na Pasian uh tungah tua bangin na hih kei ding uh hi; bang hang hiam cih leh TOPA in a muhdah a kihhuai nam khempeuh amaute in a pasiante uh adingin hih uh hi; a pasiante uh adingin a tapate leh a tanute nangawn uh mei sungah hal uh hi.”

—Thu-hilhkikna 12:2 leh 31

... Ka mawhnate maisakna dingin ka ta upa pen tawh va bia ding ka hi hiam? —Mikah 6:7

*Milim Biakna a Mawkna a Hihna*

Vantungah eite' Pasion om a, ama ut peuhpeuh a hih hi. Amaute' milimte pen ngun leh kham hi a, mihingte' khut tawh kibawl ahi hi. Amaute in kam nei napi-in pau thei lo uh a, mit nei napi-in khua mu thei lo uh hi. Amaute in bil nei napi-in khua za lo uh a, nak nei napi-in nam thei lo uh hi. Amaute in khut nei napi-in lawng thei lo uh a, khe nei napi-in lam pai thei lo uh hi; amaute in aw ging sak thei lo uh hi. Amaute a bawlte leh amaute a muangte khempeuh pen amaute mah tawh kibang uh hi.

—Late 115:3-8

*Milim biakna pen Dawimangpa biakna hi*

Tua ahih ciangin ka itte aw, milim biakna thu kiang pan na taikhia un. . . . Tua bang ka ci kei hi. Gentailte' biakna in Pasion biakna hi lo hi, dawi gilote biakna a hi hi ka ci hi. Note in dawi gilote tawh na kipawl ding uh ka ut kei hi.

—Korin Masa 10:14 leh 20

“Lau-in a um lo mi, a kihhuai mi, mi that thei mi, nu leh pa mawhna a bawl mi, mi bum thei mi, milim bia mi, zuau thu gen mi khempeuh a hih uh leh, nihna sihna a hi kat leh mei in kat lipi sungah a kituakin a thuak ding uh hi,” ci-in keima kiangah hong gen hi.

—Mangmuhna 21:8

*Pasian in a milim biaknate uh  
hangin minam tuamtuamte  
a susia hi*

“Amah in note khut sungah amaute’ kumpite hong pia ding a, note in vantung nuai panin amaute’ min na maimang sak ding uh hi; amaute na susia khin mang ding uh a, note lang khatah mi khat beek hong pang zo lo ding hi. A kiseek amau pasian milimte mei tawh na hal ding uh hi; tua nateah na awk khak lohna dingun amaute tunga a om kham leh ngun deihgawh loin, note adingin na la kei ding uh hi; . . . tua nate in a kisamsia na ahi hi.”

—Thu-hilhkikna 7:24-26

*A pu a pate un dawite a bia uh hi.*

Amau adingin thangzak ahi, amau milimte’ na seppih uh hi. Amaute in, a tapate uh leh a tanute uh daw i biakna-in nei uh hi; . . . Tua ciangin ama mite tungah TOPA’ hehna hong kikuantawh a, amah in ama luah minamte a kih hi.

—Late 106:36, 37 leh 40

“Amaute mai-ah kun loin, amau’ na na sem kei ding hi; bang hang hiam cih leh keimah TOPA na Pasian in a aam Pasian ka hi a, kei hong mudahte tungah pate’ mawhna tate tungah khang thum khang lina dongin thuk hi.”

—Paikhiatna 20:5

“Numei aisannu na hing khawi  
kei ding uh hi.” —Paikhiatna 22:18

Na mitphial siamnate uh susia-  
in, ai saan thei kong omsak nawn  
kei ding hi. —Mikah 5:12

“Bang hang hiam cih leh lehdo-  
na in aisan mawhna bangmah hi a,  
lungkhauhna in mawhna leh mi-  
lim biakna mah bang hi. Nang-  
mah in TOPA’ thu nial khin na hih  
manin, amah in zong kumpi hihna  
panin nang hong nolh khin hi,” a  
ci hi. —Samuel Masa 15:23

“TOPA na Pasian un note hong  
piak leitangah na tun’ uh ciangin,  
tua minamte’ gamtatna a kihhuai-

te zuih ding na kisin kei ding uh  
hi. Note lakah a tanu ahi a, a tapa  
ahi zongin biakna-in a zang, ai a  
saan, khong a khai, mai lam thu a  
gen, ai a tawi, bum a zang, van a  
kah, si khate tawh a kiho, si kha  
thu a dong kuamah na om kei  
ding uh hi. Bang hang hiam cih  
leh hihte a hih mi peuhmah TOPA  
tengah kihhuai hi; hih bang a kih-  
huai gamtatnate hangin note mai  
panin TOPA na Pasian un amaute  
hawl khia hi.”

—Thu-hilhkikna 18:9-12

Khasapna: Misisate’ kha sap siamna  
tawh mailama thupiang dingte genkholh  
theihna; miphial vom.

# 14 DAWITE' HUHNA TAWH MAILAMA THUPIANG DING GENKHOLHNA

“Note in sa khat peuhpeuh a sunga si tawh na ne khawm kei ding uh hi. Note in mai lam thu gen kholhna ahih kei leh ai saanna na sem kei ding uh hi. Note in a site' hangin na ci tung uh liamsak loin note tungah ciamtehna khat peuhpeuh na sun kei ding uh hi: keimah in TOPA ka hi hi.”

—Siampi Laibu 19:26 leh 28

“Tua ahih manin Babilon kumpipa' na sem kei un, ci-a note' kiana a hong gen na kamsangte uh, na aisan theite uh, na mang man' theite uh, na khutlamen theite uh leh na mangsan theite uh' thu gennate um kei un.” —Jeremiah 27:9

Mihingte in, milim peuh, thudo-tin nei uh a, a thu ngahte uh, zuau-thu leh a mawkna hi lel hi. Mang khia thei-a kineite in lamlak khial uh a, amau' hehnepnate, a mawknapi hi lel hi. Tua ahih manin, tuu bangin mite mangthang uh a, makai a a neih loh manun gimna ngah uh hi. —Zekhariah 10:2

## *Tuucing maan muang in*

Khatvei Jesu in, “Note lungmang kei un; Pasion um un la, kei zong hong um un.” —Johan 14:1

Dawi lawm neihna: Kha gilote' tawhna tawh mipial bawlina.



*Kha theih ngeisate tawh mailam  
thupieng ding theihna*

Amaute in note kiangah, “Phun suau-suau-in a pau mualmual vankah theite leh aisan theite kiangah thu dong un. Mite in amau’ pasiante thu dongin, mihingte’ thu pen misite dot ding mah hilo ahi hiam?”

—Isaiah 8:19

*Cipum tung nate, limte zatna*

“Lamka a tun’ ciangin Babilon kumpipa khawl phot ding hi. A tot ding lampi a theih theihna dingin ai namtuamtuam saan ding a, a thaltangte sing seuhseuh-in, insung pasian milimte thu dongin, biakna-in a gawh ganhing sin vel ding hi.”

—Ezekiel 21:21

*Dawi aisannate dan a kitahna*

Tua ahih ciangin a thumanlohna hangin Sawl si hi; amah in TOPA’ thupiakna a zuih lohna, leh vankah khat thu dongin a lamlah ding a zon’na, . . . TOPA tung panin lamlahna a zon’ lohna-ah TOPA tungah a thuman lo ahi hi. Tua ahih ciangin TOPA in amah that a, Jessi’ tapa David tungah kumpi gam hei hi.

—Khang-tangthu Masa 10:13, 14

Hih bang thugen khol kamsangte, a thugen kholhna uh Pasian in a tun’sak loh manin, maizumin mindai ding uh hi.

—Mikah 3:7

## 16 HIH LEITUNG KUMPI IN NA A SEP DANTE

**TOPA** in hih bangin ci hi: “Gam dangte’ om dan ciing kei unla vantage lim lamdangte lung hih mawhna-in ngaihsun kei un. Bang hang hiam cih leh gam dang mite in tuate a lung hih mawh pih uh hi.” —Jeremiah 10:2

Kaam zonna dingin laimalte, nate muang kei inla, dawi late leh lim hoih lote tengah kinga tuan kei in. “Lam khial mite’ nasepna ka mudah hi; tuate tawh ka kisukha kei ding hi” (Late 101:3). Kiphatsakna, kineihkheemna leh, biakna site nusia in.

“Tua mah bangin note zong, na pua lam uh mi maiah mi siangtho bangin na om uh hi. Na sung lam

uh simtatna leh gitlohna tawh na dim uh hi.” —Mattiu 23:28

***Mah leh mah kithahna pen dawimangpa kiang pan hi***

Satan leh dawite in haksatna leh mawhna pana na suahtakna ding ci a a hong kheemna in nang hong that ahiah manin um peuhmah kei in. “Mi na that kei ding hi” (Paikhiatna 20:13).

***Khrist bekin mawhna pan hong suaktasak hi***

*(Laimai 48 leh 49 en in.)*

“TOPA in ka hatna leh ka lungdamna hi a, amah in keima kihotkhiatna suak khin hi; hih in keima Pasian hi, amah ka phat ding hi, ka pa’ Pasian hi, amah ka liansak ding hi.” —Paikhiatna 15:2

***Kamsang Zuautheite  
tung tawnin***

Tua ciangin TOPA in, "Tua kamsangte in kei' min suang-in zuau thu hong gen uh hi. Amaute ka sawl kei a, thu ka pia kei a, zong ka hopih kei hi. Note kianga hong gen uh thute a manlo mang-muhna, bangmaha kimang lo aisanna leh amau leh amau' lungsim kikhem tawmna thute ahi hi." —Jeremiah 14:14

***Misite tawh kihopihnite  
tung tawnin***

Pasian' thahatsakna tawh David kumpipa in a tapa kiangah, "Ahih hangin tu-in amah si

hi; . . . Amah la kik thei ding ka hi hiam? Ama kiangah kei ka pai ding a, ahih hangin kei kiangah amah hong kik lo ding hi," a ci hi.

—Samuel Nihna 12:23

Khrist min tawh hawlkhiat nading simloh, dawi gilote tawh kihopih kei in. Khutlam etna, ciamtehna limlahna, bumna leh mitphialte muang kei in.

***Satan' laibu ahi, milim  
biaknate susia in***

A tawm hi lo aisan theite in zong amau laibute hong paipih uh a, mi mai-ah mei in a hal uh hi. Hih laibute' man a kiseh ciangin ngun thennga man ahih a kithei hi.

—Sawltakte' Tangthu 19:19

(Pian. 35:2-5 sim in.)

# 18 KHRIST IN ZAHMAWH PIANGSAK—SATAN IN HONG ZANG KHIALSAK

## *Zahmawh in kiteenna ading beka kibawl hi*

TOPA Pasion in mipa' tung panin a lakkhiat nakguh pen numei khatin bawl a, mipa kiangah tua nu paipih hi. . . . Tua ahiah ciangin mipa in a nu leh a pa nusia-in a zi beel a, amaute in sakhat suak uh hi. —Piancilna 2:22 leh 24

Mi khempeuh lakah kiten'na in kithupisim ta hen. Pasalte leh zite in khat leh khat a thuman ciat ding uh a hi hi. Bang hang hiam na cih uh leh, numei tawh a mawhte leh mi' zi tungah a mawhte Pasion in thu a khen ding hi.

—Hebru 13:4

Numei tawh akhial mi a hi zongin, mi kihhuai mi a hi zongin, milim bia mi a hi huaiham mi khat beek in Khris leh Pasion' Gam sungah luahna a ngah kei ding hi ci-in na thei uh hi. —Efesa 5:5

Zinei, pasalneite tungah kei thukham hi lo Pasion' thukham in, zi in a pasal ma kei hen. A mak leh, pasal dang nei loin om hen. Ahiah kei leh, a pasal tawh kilemin om kik hen. Pasal in zong a zi ma kei hen. —Korin Masa 7:10, 11

*(En in Rom 7:2; Marka 10:9.)*

Mawhna a bawl mi in Dawimangpa tawh a kipawl hi.

—Johan Masa 3:8

# AANGKAWMNA LEH PALNGULHNATE IN PASIAN LANGPANNA HI

19

“Nu-le-pa mawhna na bawl kei ding hi.” —Paikhiatna 20:14

“Pasal khat in ama vengpa’ zi tawh a mawh leh, tua a khialpa leh a khialnu kithat khawm ding hi.” —Siampi Laibu 20:10

An leh tui in gilpi ading, gilpi in zong an leh tui ading a hih hangin tuate gel Pasian in a siasak ding hi. . . . Note pumpi uh in Khri’s pumpi’ nate a hi uh hi cih thei lo na hi uh hiam? Tua ahih ciangin Khri’s pumpi’ nate la-in numei gilo’ nate ka piangsak ding hiam? Tua bang hi lo ding hi. Numei tawh mawhna pan taikhia un. Mi’n a hih theih khialhna a vekpi-

in pumpi pua lama om hi. Numei tawh a khial mi in ahih leh, ama pum tungah a khial hi.

—Korin Masa 6:13, 15 leh 18

*Nu leh pate in zahmawh tawh mawhna leh khialhna panin a kikep ding uh hi*

“Na tanu uh biakinn sunga pak-tat dinga piakna tawh siasak kei un; tua bang hi leh pasian dangte biakna sungah na tung ding uh a, gam sung khempeuh, mawhna tawh a kidim suak kha ding hi.”

—Siampi Laibu 19:29

Aangkawmna: Nungak leh tangval mawhna. Palngulhna: Zi leh pasal neisate in mi zi mi tate tunga mawhna hi.

## 20 SATAN PEN KHRIST' SIHNA TAWH KIZO ZO HI

Adam sungah mi khempeuh a sih mah bangun Khris sungah mi khempeuh a nungta uh hi.

—Korin Masa 15:22

Tua hi a, tua naupangte in a si a sa tawh kizom uh a hih ciangin Khris in zong sihna a thuak ciangin Dawimangpa a hi sihna a ukpa a sukgawp nading a hi zongin, sihna kihna a hih manunah a nungta lai takun a tawntungin a kikhum bangun a omte a suaktasak dingin a hi zongin, tua naupangte bangun si-le-sa a la hi.

—Hebru 2:14, 15

Dawimangpa' bawl nate a sia-sak dingin Pasian' Tapa hong kilang zo hi.

—Johan Masa 3:8

*Eite adingin Khris sunga  
sihtheihlohna*

Tua Pasian in eite gamtatna bang hi lo, tang laia hun hong tun' ma-in, Khris Jesu sungah eite ading amah hanciamna leh a hong piak hehpihna a ngaihsu kholhsa bangun eite hong gum a, a siangtho sapna tawh hong sam hi. Tua thupha hehpihna in eite hong Gumpa Topa Jesu Khris hong kilatna hangin tu-in a kilang zo hi. Tua Topa in sihna mangthangsak a, nuntakna leh a kisia thei lo nuntakna, Lungdamna Thu tawh hong langsak hi.

—Timoti Nihna 1:9, 10

## KHRISTIANTE IN SATAN TUNGA GUALZAWHNA 21

Kipin kikeem un. Kikepna tawh na ngak un. Bang hang hiam na cih uh leh, na gal uh a hi Dawimangpa in a hawk thei humpinelkai bangin kua mi ka ne ding hiam ci-in zong kawikawi-in a om hi. Leitung mun khempeuhah a om na u na naute un tua bang gimna thuakin a om uh hi ci-in thei un la, upna tawh kipin Dawimangpa na nial un.

—Piter Masa 5:8, 9

Dawimangpa' kheemna na nan' zawh nadingun Pasion' galhiam khempeuh silh un. Tua ahih ciangin thuman thutak kawnggak na gak un la, dikna awmdalna na bulh un la, kilemna tawh kipawl

Lungdamna Thu-a kipan kisak kholhna khedap bu'h un la, do un. Dawimangpa hong kapna meithaltang a dal zo upna lum tawi-in hiam khempeuh tungah na silh un. Gupna sik-lukhu khu un la, Pasion' Thu a hi Kha Siangtho tem tawi un. . . . Thunget nading thakiam loin, mi siangtho khempeuh ading thungetsakin om un.

—Efesa 6:11, 14-18

Ka ta neute aw, note in Pasion tawh kipawlin tua khate na zozo uh hi. Bang hang hiam na cih uh leh, note lamah a om mi in Leitung- mite lamah a om mi sangin a lian zaw hi.

—Johan Masa 4:4

*Amah pen Pasion aw hi*

Pasion in . . . Tua a Tapa na khempeuh luah dingin a koih zo hi; ama tungah zong leitung a piangsak hi. —Hebru 1:1 leh 2

Amaute in ama thuhilhna lam-dang a sa uh hi. Bang hang hiam i cih leh, amah in laitheite bangin a hilh kei hi, ukpa bangin thu a hilh hi. —Marka 1:22

Pasion khat bek Pa, sung pan na khempeuh piang a, amah bek ading eite i omna, tua Pasion khat bek i nei hi. Topa khat bek hangin eite a kipan na khempeuh a pian'-na, Jesu Khris khat bek i nei hi. —Korin Masa 8:6

“Tapa in Mihing Tapa ahih maninah' thu khen dingin Pa in thu a pia hi.” —Johan 5:27

Tua Topa vantungah kahto a, Pasion' ziat lamah a tu hi. Vantungmite a kipan, a ukte leh vangliatnate in ama nuai-ah a kikoihin a om hi. —Piter Masa 3:22

Khris in mi site leh mi nungta-te' TOPA a suah nadingin sihna thuak a, a sih khit ciangin a hing kik hi. —Rom 14:9

Jesu in amau kiangah va pai a, “Vantungah ahi zongin, leitungah ahi zongin, vangliatna khempeuh kei hong kipia zo hi.” —Mattiu 28:18



# KHRIST IN THUNEIHNA TAWH THUGEN IN NA SEEM HI

23

Jesu thoin huihpi taai a, "Dai in," ci-in thu a piak ciangin huih nung tawp a dai pah hi.

—Marka 4:39

Ahah hangin Mihing Tapa in leitungah mawhna a maisak theih nading, thu a neih lam na theih nadingun, "Tho in, na lupna pua in la, na innah na ciah in, kong ci hi," ci-in a khut-le-khe sipa kiangah a gen hi. Amah thoin thakhatin a lupna pua a, amau khempeuh mai pan a paikhia hi. Tuat khempeuh in lamdang a sa uh a, "Hih bang khatvei beek ka mu ngei kei uh hi," ci-in Pasion a phat uh hi.

—Marka 2:10-12

*Khrist in dawite hawlkhia hi*

Kihhuai dawi in tua pa ka kongkawsak khit ciangin nakpi-in kiko a, ama sung pan a paikhia hi. Mi khempeuhte in lamdang a sa uh a, "Hih thu in bang thu ahi hiam? Thuhilhna thak ahi hiam? Uk neihna tawh kihhuai dawite thu a piak ciangin amau in a thu a mang uh hi," ci-in khat leh khat a kikum uh hi.

—Marka 1:26, 27

*Thuneihna tawh misite thosak hi*

Jesu in, "Tangvalpa aw, tho in ci-in nangma kiangah kong ci hi," a cih leh, misipa tho a, thu a gen hi.

—Luka 7:14, 15

24    **KHRIST IN AMA NUNGZUITE TUNGAH GALTE'  
VANGLIATNA KHEMPEUH TUNGA THUNEIHNA  
LEH VANGLIATNA A PIA HI**

“En un, note in gul gilote leh momaite na sik gawp nading uh leh na galte' vangliatna khempeuh na zawh nadingun thu ke'n kong pia hi.” —Luka 10:19

“Ke'n aman takpi kong cihinah, mi khat peuhmahin a lungsim sungah um khial lo a, ama cih bangin piang ding, ci-in a up leh, hih mual kiangah, 'Na omna pan na khinkhia in la, tuipi sungah na kipaai in,' a cih leh, a cih mah bangin a piang ding hi.” —Marka 11:23

“Ke'n aman takpi kong cihinah, kei hong um mi in ka bawl bang

nate bawlin tua sangin a lian zaw a bawl ding uh hi. Bang hang hiam na cih uh leh, Pa kiangah ka ciah ding hi.”

—Johan 14:12

Jesu in, “Na bawl theih leh,' na ci hiam? A um mi ading ahi thei lo a om kei hi,” a ci hi.

—Marka 9:23

Eite tungah hong bawlpha a lian mahmah vangliatna bangza-ha lian a hi zongin note in na theihna dingun, na pilna mittang uh a vak nadingin thu ka ngen hi.

—Efesa 1:19

Hih thu bang hangin a gen hiam i cih leh, "Kihhuai dawi aw, tua mipa sung pan taikhia in," ci-in Jesu in thu a pia zo hi. Jesu in, "Na min bang ahi hiam?" ci-in a dot ciangin, "Kote tampi ka hih uh ciangin, ka min in Legion ahi hi," a ci hi. . . . Jesu in thu a piak ciangin kihhuai dawite paikhia uh a, vokte sungah a lut uh leh, vok honpite kensang tung pan taisukin tuili sungah a si khin uh hi. Vokte kisim leh, tulnih bang phadinding hi. —Marka 5:8, 9 leh 13

Tua lai takin mihonpite kikhawm dingin hong tai uh a, Jesu in a muh ciangin, "Bengngong leh pautheilo dawi aw, ama sung pan

paikhia in. Tu nung ciangin tum kik nawn kei in, thu kong pia hi," ci-in kihhuai dawi a taai ciangin, dawi in kiko-in naupang nakpi-in a kongkawsak khit ciangin a paikhia hi. Naupang in misi tawh kibang ahih ciangin mi tampi in, "A si zo hi," a ci uh hi. Ahih hangin, Jesu in naupang' khut len a, a phawttoh ciangin amah a tho hi. . . . Jesu in, "Thu ngetna tawh longal tua dawi pawlte a paikhia thei kei hi," a ci hi. —Marka 9:25-27, 29

Pawl . . . "Jesu Khri's min tawh ama sung pan na paikhia in, thu kong pia hi," a cih ciangin tua dawi in thakhatin a taikhia hi. —Sawltakte' Tangthu 16:18

Tua ahah ciangin Pasion in amah pahtawi-in Min khempuhte sangin min a lian zaw a pia hi. Vantung, leitung leinuai-a om mi khempuuh in, Jesu' min hangin khukdin' uh a, "Pa Pasion' vanliatna kilatsak nadingin, 'Jesu

Khris in Topa a hi hi,' ci-in, Leii khempuuh in a mang ding uh hi."

—Filippi 2:9, 10

"Note in keima min suangin thu na nget khempuuh uh Ta tungah Pa' phatna a kilat nadingin ka hih ding hi."

—Johan 14:13

Upna tawh Khris adinga naseem dingin ka zi leh ka innkuanpihte Africa gamah ka paipih kik khit ciangin, zan khat ka tungah dawii gilo kihtakhuai mahmah khat in a hong khanglosak hi. A taktak hiam, cih en dingin ka khukin ama khuk ka suksak ciangin, nakpi in ka khuk hong sawn kik vata, hong gawl meek dingin manlang takin hong naii zaw seem hi. "Jesu aw, hong huh in," ci in kammal nga khawng lo in ka awng khia hi. Jesu' min in Satan leh dawite khempuuh tungah vangliatna lamdang mahmah a nei hi. Hotkhiatna leh gupkhiatna dingin Khris' min lo in (Rom. 10:13).

Nupi khat in college a a om lai in, tangval khatin lamsiau dingin meileeng lampi lamah hong paipih suk hi, ci in a hong gen hi. Mun khat

a tun uh ciangin, meileeng gawilup a kicih theihna dingin thah a sawm hi. Jesu Khrist mina thu a piak ciangin, tua pain bangmah lawh zo nawn lo hi. Jesu' vangliatna tawh college a tun dong uh ama maiah tua pa a paisak hi.

Nupi dang khatin a nungak lai in khutlam ente samin a inndeisungah a haihuaipi in amaute a tumsak hi, cih thu kei leh ka zi tungah a hong gen hi. Tua nungsang, dawi gilote in a inndeisunga vante a ut a dah in a sawnsawn pah hi. Lungkia gawp ngingei in amaute a inndeisung pan Jesu' min tawh a hawlkhia hi.

Satan leh dawite peuhmah hehpihuaaisa in khasiat ngei peuhmah kei un. Amaute' ngimna pen Pasion tawh kikop zaw lo a, amau lama na pan theihna dingin note a hong zawh theih nading uh ahi hi. Khristian khangtak mahmahsa khat in a pumpi thaneem mahmah leh lungsim am titiaia a om laitaka Satan in a kianga a thugente a hong hilh hi. "Kisinsak peuhmah dih ning," ci a a ngaihsutsut laitak hi. Ama kianga ka gena ah, Satan pen mi kheemhatpa ahih manin, ama thugen kammal khat bek zong um het kei in ka ci hi. Jesu' min Vanglianpen tawh Satan ka taai hi. Tua khit ama sih ma nipi nga sung pen Khrist sungah lungmuanna nei hi.

—Watson Goodman

*Khrist pen a Piangsakpa  
Pasian hi*

Bang hang hiam na cih uh leh, tua Tapa hangin Pasian in vantung a hi zong, leitung ahi zongin-ah a om khempeuh a kimutheite, a kimu thei lote: kumpi tokhomte a hi zongin, uknate a hi zongin, a sang belnate a hi zongin, vangliat-na a hi zongin, na khempeuh a piangsak hi. Tua Tapa hangah a hi zongin, tua Tapa ading a hi zongin na khempeuh a piangsak hi.

—Kolose 1:16

*Khrist in khuavak leh  
lungmuanna hong pia*

“A tung panin ni suakin eite kiangah hong tang ding hi,” ci-in

Pasian' kamsangpa bangin a gen hi.

—Luka 1:79

*Dawite leh Satan in susia*

“Gutate in gu ding that ding leh susia ding longal a hong pai kei uh hi. Kei ka hih leh, tuute in nuntakna ngah tham lo-in nuntakna a dimtak a ngah nadingun kong pai hi.”

—Johan 10:10

*Satan in khuamial,  
gimna hong pia*

“Sum haupa zong si a, a kivui hi. Meikuang sungah gimna nakpi a thuak lai takin a khua dak leh, Abraham leh Abraham' anghah Lazaras a om gamlapi panin a gal muh hi.”

—Luka 16:23

***Khrist pen thutak hi***

Thu in mi bangin hong suak a, hehpihna leh thuman thutak tawh kidimin eite lakah a om hi. Pa in a Ta khat bek a piaksa minthan'na bangin ama minthan'na ka mu uh hi. . . . Jesu in amah a um Judah mite kiangah, "Ka thuhilhna na zuih uh leh ka nungzui taktakte na hi ding uh hi. Thuman taktak zong na thei ding uh a, tua thuman thutak in note hong suaktasak ding hi," ci-in a gen hi.

—Johan 1:14 leh 8:31, 32

***Khris pen itna tawh kidim hi***

Khris in eite tangding a nuntakna a paih maninah eite in itna i thei hi.

—Johan Masa 3:16

***Satan pen zuaugente' Pa hi***

"Note in na pa uh dawimangpa' suan na hi uh hi. A gilo na pa uh deihna bangin na gamta nuam uh hi. Amah in a cil panin mi thatpa hi a, thumanna nei lo ahih ciangin thuman thutak sungah a kip kei ding hi. Amah in thuzuau a gen ciangin ama thu a gen hi. Bang hang hiam na cih uh leh, amah in zuauthu gen leh thuzuaupa lah ahi hi."

—Johan 8:44

***Satan in hong mudahsak***

"Leitung mite in no hong mudah uh leh, note hong mudah ma-in kei hong mudah uh hi ci-in na thei ta un."

—Johan 15:18

*Khrist in kha siangthosak*

Amah in khuavak sungah a om mah bangin eite zong khuavak sungah i om leh, khat leh khat ki-hothei-in, a Topa Jesu' si in eite mawhna khempueh hong sawp siang hi. —Johan Masa 1:7

*Khrist in mawhna pan hong gumkhia*

Tua ahah ciangin ama si tawh dikkisakna i ngah khit ciangin tua Topa hangin Pasion' hehna tawh i kipelh zaw ding hi. —Rom 5:9

“Amaute in nang Pasion taktak khat bek leh na sawlpa Jesu Khris a theihna un nuntak tawntungna ahi hi.” —Johan 17:3

*Satan in kha ninsak*

Note in na ngaihsun khial kei un. Pasion in thudon lohnate mang a hi kei hi. Mi khat peuh in khaici a vawh bangin a gah a at kik ding hi. Ama pumpi ading kha-ici a vawh mi in ama ci-le-sa hangah muatna a at ding hi. Kha Siangtho hangah khaici a vawh mi in Kha Siangtho hangah nuntak tawntungna a at ding hi. —Galati 6:7, 8

*Satan in mawhna bawl dingin mite zol*

Mawhna a bawl mi in Dawimangpa tawh a kipawl hi. Bang hang hiam na cih uh leh, a cil panin Dawimangpa in mawhna a bawl zo hi. —Johan Masa 3:8



*Amah pen tuin hih  
leitung kumpi hi*

“Tu-a kipanin note kiangah thu tampi kong gen nawn kei ding hi. Bang hang hiam na cih uh leh, leitung ukpa hong pai a; ahih hangin kei tungah thu a nei kei ding hi.”  
—Johan 14:30

*Satan pen kumpi hi. A hoih a  
pha a bangmah a pian kei  
leh, amah mawhsak in*

Tua bang pilna in vantung pan hong tung pilna a hi kei hi; leitung pilna, pumpi pilna, dawi gilo pilna a hi hi. Bang hang hiam na cih uh leh, hazatna leh kidem siatna a om leh, gamlumna leh a kihhuai

gilo bawlna apawl apawl a om uh hi.  
—Jeim 3:15, 16

Satan in hun hoih a ngah ciangin, nuam taka Khrist biakna a susia hi. Amah in Jesu na itna lungsim a susia thei kei hi.  
Upna keem in!

*Sih dongin Khrist adingin  
thumaan hi*

Suang tawh a den' lai takun Stefen in Pasion kiangah thungenin, “Topa aw, ka kha hong la ta'n,” a cih khit ciangin, khukdin' a, “Hih khialhna tawh amaute na mawhsak kei in,” ci-in nakpi-in a kiko khit ciangin a si hi.  
—Sawltakte' Tangthu 7:59, 60

## KHRIST LANGPANG—A HONG PAI DING LEITUNG VAIHAWMPA

### *Satan' hatsak mimawh*

Kuamah in note bangmah hangin hong kheem kei hen. Bang hang hiam na cih uh leh, tua Ni hong tun' mai-in Langpan'na lian a piang masa ding a, kisiatna' ta a hi Gilo Mi in hong piang ding hi. Tua mi in thu nial a, Pasion a kici khempeuh a hi zongin, a kibia na khempeuh a hi zongin, tuate sangin ama pumpi pahtawi zaw-in, Pasion' biakinnpi sungah tu-in, "Pasion ka hi hi," ci-in a pumpi lakin a om ding hi.

—Thesalon Nihna 2:3, 4

Ka muh sahang in kamkei tawh kibang hi. A khete vom khetawh

kibang hi. A kam in humpinelkai' kam tawh kibang hi. Gulpi in a vangliatna a hi zongin, a tokhom a hi zongin, a ana a hi zongin tua sahang a pia hi. . . . Mi siangthote tawh zong kido a, a zawhna ding thu a pia hi. Mi nam, mi pawl, kam, gam khempeuh tungah ukna thu a ngah hi.

—Mangmuhna 13:2 leh 7

Leitung mi khempeuh in tua sahang zui-in, lamdangsa-in amah ana a pia gulpi a bia uh hi. Sahang zong, "Kua in hih sahang tawh kibang hiam? Kua in amah tawh kido zo ding hiam?" ci-in a bia uh hi.

—Mangmuhna 13:4

# KHRIST LANGPANG IN MI SIANGTHOTE TAWH KIDO DING

33

Amah in Sang pen Pasion langpan' in thu gen ding a, Pasion' mite a bawlsia ding hi. Amah in amaute' biakna tawh kipawl thukham leh pawl bawl na hunte kheel sak ding hanciam ding a, Pasion' mite in ama khut sungah kum thum leh a lang a om ding uh hi.

—Daniel 7:25

Tua sahang kiangah a lianpi thute leh kosiata na thu tampi a gen thei muk a hi zongin, kha sawmli leh kha nih tawntung omna ding thu a hi zongin a pia hi. Sahang in Pasion a hi zongin, Pasion' min a hi zongin, a buk a hi vantungah a om mite a hi zongin a

gensia dingin a kam a ka hi. Mi siangthote tawh zong kido a, a zawhna ding thu a pia hi. Mi nam, mi pawl, kam, gam khempeuh tungah ukna thu a ngah hi. Leitung a cil panin thahna a thuak khin Tuuno' nuntakna laibu sungah a min uh kigelh lo Leitung mi khempeuh in sahang a bia ding uh hi. Mi khat peuh in bil a neih leh, ngaita hen.

—Mangmuhna 13:5-9

Upna thu tawh kipawl galdona a pha na do in. Nuntak tawntungna len in. Tua nuntakna ngah dingin nangin hong sapna na ngah a, teci tampite maiah na pang ngei hi.

—Timoti Masa 6:12

## 34 KHRIST LANGPANG LIM BIA NGEI KEI IN

*Leitunga biakna makaipa in  
leitung khem dingin Khrist  
langpang huh.*

*Bia nuam maw si nuam!*

Sahang maiah amah lah theih ding a ngah na lamdangte hangin amah in leitungah a om mite kheemin, tem satna ma a om, a nungta sahang' milim khat peuhpeuh bawlsak in ci-in leitungah a om mite kiangah a cih khit ciangin, tua milim kam a pau theih nading nuntakna a thun theih na'ng thu a ngah tham loin, tua milim a bia lo mi khempeuh a thahsak theih na'ng thu a ngah hi. . . . Sahang tawh, sahang mai-ah na lamdangte lakin, sahang ciamtehna nei-in,

sahang milim a bia uh mite a kheem, a zuau kamsangpa in kimatna a thuak khit ciangin, amau nih in kat meiphual sungah a hing tangin kikhiatna a thuak uh hi.

—Mangmuhna 13:14, 15 leh 19:20

*Pasian' mite'n pasian  
dangte nolh*

“Mei phualpi sung panin a hong honkhia thei pasian a om leh ka biak ka Pasian uh hi ding a, na khut sung panin a hong honkhia ding hi. Kumpipa aw, a hong hotkhiat kei zenzen taak leh zong, na pasian lah ka bia tuan kei ding uh a, na kham milim mai-ah zong ka kun kei ding uh hi ci-in thei ta in,” a ci uh hi.

—Daniel 3:17, 18

# KHRIST LANGPANG: LUT ZAW DING MAW, GILKIALA SI DING

35

Tua ahih ciangin amah in upa, naupang, sum hau, mi zawng, sila, to nei lote khempeuh sahang' min a hih kei leh, tua min ciamtehna khat peuhpeuh a nei lo mi peuhmah in sum zuak thei lo, lei thei lo dingin mi khempeuh a khut taklam tungah a hi zongin, a taltang tungah a hi zongin a ciamtehsak hi. Hih thu-ah pilna a om hi. Pilna a nei mi in sahang' nambat sim ta hen. Bang hang hiam i cih leh, mi khat peuh nambat a hi hi. Tua nambat in zaguk-sawmgukguk a hi hi. —Mangmuhna 13:16-18

“Topa aw, nang na thei hi,” ka ci kik a, tua upa in, “Tua mite in

gimna lianpi sung pan hong pusukkhia mi a hi uh hi. Amau puante zong Tuuno' si tawh kisawp siang a, a kipaksak uh hi. . . . Amaute in a nung ciangin bangmah hunin gilkiyal dangtak nawn lo ding uh hi. Cikmah hun ciangin zong ni sa-a kipan a sa khempeuh tawh a kisu kha nawn kei ding uh hi. Bang hang hiam na cih leh, tokhom laizangah a om Tuuno in amaute' tuucing suak a, amaute nuntakna ciktui omna-ah lam a hilh ding hi. Pasion in zong amaute mittang pan khitui khempeuh a nul siang ding hi,” ci-in hong gen hi. —Mangmuhna 7:14,16-17

**36 KHRIS LANGPANG A BIA MITE KHEMPEUH IN  
SIHNA THUAK DING, A HIH KEI LEH A ZUAK A LEI  
THEIHNA DINGUN A PUMPI TUNGAH CIAMTEHNA  
NGAH ZAW DING**

Tua nung ciangin thumna vantungmi khat in zui-in, "Mi khat peuhmah in sahang leh ama milim bia-in, ama taltang tung a hih kei leh, a khut tungah ciamtehna a ngah leh, Pasion' hehna hai-ah a kihel khawm lo-a kikoih hehna leenggahzu tua mi in a dawn ding hi. Tua tham loin a siangtho vantungmite mai leh Tuuno mai-ah tua mi in mei leh kat tawh bawlsiatna a thuak ding hi. Tua mite gimna a thuakna meikhu in a tawntungin a kahto hi. Sahang leh ama milim

a bia mi, sahang min ciamtehna a ngah mite in sun tawh zan tawh khawl hun nei lo-in a om uh hi. Tua lai takin, "Tu-a kipan Topa sungah a si mite in thupha a ngah ding uh hi ci-in gelh in," ci-in vantung pan hong gen aw ka za hi. Kha Siangtho in zong, "Tua thu a man hi. Tua mite in tua bang ciangin nasepna bei-in khawlina tawlingakna thu a ngah ding uh hi. Bang hang hiam na cih uh leh, amaute nasepna un zong amaute a zui ding uh hi," ci-in a gen hi.

—Mangmuhna 14:9-11, 13

**PASIAN THANGPAIHNA LEI TUNGAH A HONG 37**  
**TUN MAIN, SATAN' CIAMTEHNA LEH LIM**  
**TUNGA GUALZAWHNA**

Gimna nam sagih a nei vantungmi sagihte a hi uh hi. Tua gimnate in a nunung bel gimna a hi uh hi. Bang hang hiam na cih uh leh, Pasion' hehna tua gimna tawh a kicing hi. Tua nung ciangin mei tawh kihel, limlang tuipi banga om a hi zongin, sahang-a kipan ama milim leh ama min nambat gimna pan a suakta zo mite in, Pasion' gawsemte tawi-in tua limlang tuipi kiangah dingin a om uh a hi zongin ka mu hi. . . . Tua vantungmi sagihte kiangah, "No te pai un la, Pasion' hehna hai sagihte leitungah bua un," ci-in bia-

kinmpi sung pan nakpi kiko aw ka za hi. —Mangmuhna 15:1, 2 leh 16:1

Tua lai takin kumpi tokhomte ka mu hi. Tokhom tungah a tu mite in thu khen theihna a ngah uh hi. Tua tham loin Jesu' teci pan'na hang leh Pasion' hangin lu kitan-na a thuak mite a nuntakna khate a kipan sahang leh sahang milim bia lo, ama ciamtehna a taltang tung leh a khut tungah a nei lo mite nuntakna khate zong ka mu hi. Tua mite in kum tul khat sung nungta-in, Khriis tawh a mang khawm uh hi. —Mangmuhna 20:4

## ARMAGEDDON, KHRIST IN A KHAWLSAK GALKIDONA

Amaute in na lamdangte lakin Vanglian tawntung Pasian' ni lianpi-ah gal do-in leitung khempuuh pan kumpite kikhawmsak dingun a paikhia dawi gilo' khate a hi uh hi . . . Dawi gilo' khate in kumpite, Hebru kamin Armageddon a kici munah a kikhawmsak uh hi. —Mangmuhna 16:14 leh 16

### *Khrist in Ama gam leh A teelsa mi, Israelte suaktasak*

“Leenggahzu bangin Jerusalem khuapi ka bawl ding a, a kiim-a om minam dangte in a nek ciangin khamin hoi ding uh hi. . . . Tua hun hong tun' ciangin suangtum-pi gik mahmah bangin Jerusalem

khuapi ka bawl ding a, liik khiat a sawm minam khat peuhpeuh in liam lawh ding hi. Leitung minam dang khempuuh kipawlin Jerusalem sim ding uh hi.” . . . Tua ciangin TOPA hong kuan khia ding a, a beisa hun-a a sim ngei bangin hih minam dangte hong sim ding hi. . . . Tua ciangin Jerusalem khuapi a sim minam dang khempuuh-te tungah TOPA in gimna lianpi tungsak ding hi. A khe-un a ding thei kimlai mahin a sa uh muat mang ding a, a mitkhuk sung uhah a mittangte uh muatin, a kam sung uhah a leiite uh muat ding hi. —Zekhariah 12:2, 3; 14:3, 12



## KHRIST PEN LEITUNG VAIHAWM NUNUNG PEN HI 39

Gitlohna tawh thuman thutak a nial mite a gitlohna tungah Pasi-an' hehna in vantung panin hong kilang hi. —Rom 1:18

Mi pawlpawlte satna ding ama kam sung pan namsau a hiam a pusuak hi. Amaute zong sik ciangkhut tawh a uk ding hi. Vanglian Pasi-an' hehna leenggahzu kicilna phual amah in a cil hi. Ama puanza tung leh a pheitungah “kumpite' Kumpi, topate' TOPA” ci-in min kigelh hi. —Mangmuhna 19:15, 16

*Khrist langpangte in kum tawm khat sung vaihawm. Khrist in hih laiah kum 1,000 vai a hawm khit ciangin a tawntung in maang hi.*

Amaute in Pasi-an leh Khrist' siampite suakin amah tawh tua kum tul sung a mang khawm ding uh hi. —Mangmuhna 20:6

“Tua kumpite a maan' laitak un, vantung Pasi-an in a bei thei ngeilo ding kumpi gam a hong phut ding hi. Tua kumpi gam kuamah in zo zo lo ding a, tua gam in gam dang khempeuhte zo gawpin a kip tawntung ding hi.” —Daniel 2:44

*Minam khempeuhte in Topa Khrist bia ding uh hi.*

Topa aw, na bawlsa minam khempeuh hong pai-in na mai-ah hong kun ding a, nangma min hong phat ding uh hi. —Late 86:9

Tua ciangin vantungah gal kido-in, Mikhael leh ama vantung-mite in gulpi tawh a kido uh hi. Gulpi leh a nungzuite in a do uh a, a guallelh uh ciangin amaute in vantungah a om thei nawn kei uh hi. Leitung khempeuh a kheem Dawimangpa, Satan kici tang lai gulpi peen ama nungzuite tawh Leitung a kikhiasuk hi. Vantung pan nakpi aw khat in: "Tu-in eite Pasian' gupna-a kipan vangliatna, gam leh ama Khris' ukna ana a hong tung zo hi. Bang hang hiam i cih leh, i ute i naute, i Pasian mai-ah sun tawh zan tawh a mawhsak mi in khiatsukna a thuak zo hi."

—Mangmuhna 12:7-10

"Amaute in Tuuno' si hangin a hi zongin, amaute teci pan'na hangin a hi zongin zo-in, sihna thuak dongin a nuntakna uh haza lo uh hi."

—Mangmuhna 12:11

### *Satan' manthat tawntungna*

Amaute zang lei tungah a kah-toh khit uh ciangin siangtho giah-na phual leh a ithuai khuapi a uum uh ciangin, vantung panin mei kia-in tua mite a valh hi. Amaute a kheem Dawimangpa in zong sahang leh thu zuau hilh kam-sangte omna kat meiphual sungah khiatsukna thuakin, amaute in sun tawh zan tawha tawntungin bawlsiatna a thuak ding uh hi.

—Mangmuhna 20:9 leh 10

## A KIP TAWNTUNG KUMPIGAM KUA AA HIAM? 41

*Topa Khrist in a tawntung in  
maang hi*

TOPA aw, liatna, leh vangliatna, leh minthanna, leh gualzawhna, leh min liatna in nangma aa ahi hi; bang hang hiam cih leh vantung leh leitungah a om khempeuh in nangma aa ahi hi; TOPA aw, kumpi gam in nangma aa hi a, tuate khempeuh tungah nang a lutanngin hong kisangsak hi.

—Khang-tangthu Masa 29:11

Adam sungah mi khempeuh a sih mah bangin Khrist sungah mi khempeuh a nungta uh hi. Ahih hangin mi khempeuh in amau hun bang a zui ciat ding uh hi. Khrist in

a gah masa bel a hi hi. Tua nung ciangin Khrist hong pai ciangin ama mite in thawhkikna a ngah ding uh hi. Tua ciangin Khrist in ukna ana leh vangliatna apawl pawlte paaikhia a, Pasian, Pa kiangah Gam a piak khit ciangin leitung a bei ding hi. Pasian in galte khempeuh ama khe nuaiah a khiat matengin Khrist in a maang ding hi. —Korin Masa 15:22-25

Sagihna vantungmi in peengkul a tum ciangin, “Hih leitung gam in i Topa leh ama Khrist gam a suak zo hi. Amah in a tawntungin a uk ding hi,” ci-in vantungah nakpi-in a genna aw ka ka za hi.

—Mangmuhna 11:15

*Satan in pumpi leh kha pen  
numei leh numei, pasal leh pasal  
mawhna, naungek suak nai loh  
thahna leh dawiveina tawh  
siasak hi*

Tua mah bangin pasalte in zong numeite tawh bawl na ngeina nusiain, khat leh khat kilunggulh uh a, pasal khat leh khat zumhuai kibawl uh a, amaute mawhna tawh kituak dan a pum sung uhah a thuak uh hi. —Rom 1:27

“Tua ciangin pai a, amah sangin a gilo zaw dawi sagih va sam a, tua pa sungah a lut uh hi. Tua ahih ciangin, tuapa a pian' nunung pen in a pian' masak sangin a sia zaw hi. Tua mah bangin hih a

gilo khang mite zong ai ding hi,” a ci hi. —Mattiu 12:45

TOPA in a muhdah, a khakh-hong ngei loh ding, thu guk, bek hilo, . . . kihisakna, zuau thu gena, mawh nei lo mi thahna, thusia bawl ding ngaihsutna, gamtat siat ding a manlangte ahi hi.

—Paunak 6:16-18

Pasian nungta bek zong in, Mailam thupiang dingte theihna dingin “pasian dang” lungsim theih nading, pumpi dam-sak nading leh khalam kimakaihna dingin sam kei in.

Pasian' Kha Siangtho ahi lo, kha khat peuhpeuh nang leh nang ki-uksak kei in. Lai Siangtho bek leh Topa Jesu Khrist bek um in. (Mangmuhna 19:13 sim in).

*Kihilhna khat peuhpeuh in mawhmaisakna lampi, sianthosakna leh Khriis pumpi leh sisan hanga tatkhiatna pana a hong pi-mangte in a maan lo leh kheem-na hi.*

Jesu in, “Kuamah in hong khem zawh loh nadingin na kikeem un. Bang hang hiam na cih uh leh, mi tampi in, ‘Kei Khriis ka hi hi,’ ci-in keima min tawh hong pai-in mi tampi a khem ding uh hi. Kam-sang zuautheite hong piang ding uh a, mi tampi a khem ding uh hi.” —Mattiu 24:4, 5 leh 11

*Mawhna maisak inla, mawhna maisak in om in*

“Note in mite mawhna na mai-

sak uh leh, vantungah a om na Pa un note mawhna uh hong maisak ding hi.” —Mattiu 6:14

*Khrist’ sisan manpha in hong tankhia*

Na pute na pate’ ngeina uh a hi mawkna gamtatna pan kham leh ngun-a kipan a kisia thei sum tawh note hong tankhia a hi kei hi; hoih lohna om lo, a nin bang lo tuuno tawh kibang a hi Khriis’ manpha bel si tawh hong tankhia hi ci-in na thei un. . . . Note upna leh lametna uh, Pasion paulamin a kip theih nadingin, Pasion in tua Topa sihna pan tho kiksakin vangliatna a pia hi.

—Piter Masa 1:18, 19 leh 21

*Mawhna vaipi tawh ukxa*

Kote khempeuh mawhnei mi ka hi khin uh a, ka gamtat hoih khempeuh uh zong puannin tawh kibang lai veve hi. Kote khempeuh singteh bangin ka vul uh a, ka mawhna hangun, huih letkhiat nahthel keu ka bang uh hi.

—Isaiah 64:6

*Thumanlohna lungsim tunga nasepna*

Van lama vangliatna a uk topa ahi nialna' tate tungah tu-in a bawl kha a deih bangin, na mawh-nate uh, na gitlohnate uh sungah si-in na om lai takun Pasion in note hong nungtasak hi. Tua mite

tawh eite khempeuh in zong ni dang lai-in i ci-le-sa deihna-ah lungsim deihna zui-in, si-le-sa deihna bangin gamtain i om a, a dang mite bangin ngeina bangin a hehna a thuak mi i hi hi.

—Efesa 2:2, 3

*Satan in a kihonkhia lote ukcip hi*

Kote'n ka hilh uh Lungdamna Thu in kisin ahih leh, a kisia ding mite tung bekah kisinin a om hi. Tua bang mite in Pasion' meel a hi Khris' vangliatna tawh a dim Lungdamna Thu a tan'sak loh nadingin hih leitung a uk topa in a um lo tua mite' lungsim mittang uh a tawsak hi. —Korin Nihna 4:3, 4

“Lo lai in leitung mite hi. Khaici hoih in Gam sung tate ahi uh hi. Tahum tang in gilomi' tate ahi uh hi.”  
—Mattiu 13:38

“Note in na pa uh dawimangpa' suan na hi uh hi. A gilo na pa uh deihna bangin na gamta nuam uh hi. Amah in a cil panin mi thatpa hi a, thumanna nei lo ahih ciangin thuman thutak sungah a kip kei ding hi. Amah in thuzuau a gen ciangin ama thu a gen hi. Bang hang hiam na cih uh leh, amah in zuauthu gen leh thuzuaupa lah ahi hi.”  
—Johan 8:44

*Hih thu hangin Khrist' kha sungah i pianthak ding uh hi*  
Tua ahih ciangin Khris sungah

a om mi in mi thak a suak hi. A lui nate kikheel a, a thak a piang zo hi.  
—Korin Nihna 5:17

*Tuin Topa Jesu lamah kihei in*

“A kilawm hun ciangin nangma kam ka ngai hi, gupna ni ciangin nang kong huh hi,” Pasion in a cih mah bangin tu lai tak in a kilawm hun a hi hi, tu lai tak in gupna ni hun a hi hi.  
—Korin Nihna 6:2

I mawhnate pulakin thuum lehang, i mawhnate maisakin, i gitlohna khempeuh sawp siang nadingin amah in thuman thutak tawh a hi zongin, dikna thu tawh a hi zongin a dim hi.

—Johan Masa 1:9

Khris hong itna tawh eite kua in hong kikhensak ding hiam? Gimna, kahna, bawlsiatna, gilkialna, puan neih lohna, kihtakna, namsaute in Khris hong itna tawh eite hong kikhensak thei ding hiam? . . . Khen thei lo ding hi! Ei hong itpa hangin hih nate khempeuh tungah gualzo peente i hi hi.

—Rom 8:35 leh 37

Bang hang hiam na cih uh leh, Pasion' pian' sak tate khempeuh in leitung a zo thei hi. Eite upna in leitung zawhna a hi hi.

—Johan Masa 5:4

### *A zote tunga zawhna thaman*

“ ‘Kha Siangtho in pawlpite a thupiakna bil nei mi in ngai ta

hen. A zo mi a kiseel manna a hi zongin, a ngah mu sim loh kua-man in a theih zawh loh min thak kigelhna suangpak a hi zongin ka pia ding hi.’ ” —Mangmuhna 2:17

“Zo-in, keima gamtatnate a tawp dongin a zui mi in mi pawlte tungah ukna ana ka pia ding hi.”

—Mangmuhna 2:26

*Pasian adingin na thupi mahmah hi. Tua pen Kalvary in hong theitelsak hi.*

Ahah hangin kote in ko' siamna suangin komau ut thuin na khat peuhpeuh na hanciam nadingun hih thei ka hi kei uh hi.

—Korin Nihna 3:5



*Khrist tawh thupina ah kilang in*

Tua ahih ciangin note in Khristawh tho kik khawm na hih uh leh, Pasion' ziat lamah a tu Khrist' omna mun, tung lamah a om nate na zong un. Leitungah a om nate, lunggulhin om kei un, atung lam nate bek lunggulhin om un. Eite nuntakna a hi Khrist a kilat ciangin, note in zong tua Topa tawh minthang khawmin na kilang ding uh hi. Tua ahih ciangin nu-meitawh mawhna, kihhuai gamtatna, nu leh pa kilunggulh luatna, deihgawhna, milim biakna a hi huaihamna no sungah a om nate

sisak un. Tua khialhna hangin Pasion' hehna in a nialte' tate tungah a tung hi.

—Kolose 3:1, 2 leh 4-6

*Ahah kei leh Satan tawh a tawntungin hamsiat thuak in*

“Tua ciangin, a veilamah a omte kiangah Kumpipa in, ‘Ciamsiatna a thuak mite aw, dawimangpa leh ama nungzuite ading a kibawl mei kuang tawntung sungah kei kiang panin paikhia un.’”

—Mattiu 25:41

Pasion a mangngilh minam khempeuh ahi mi gilote in Leinuai ah pai ding uh hi.

—Late 9:17

*Nang leh nang kiniamkhiat in*

Jesu in naupang khat samin, amaute lai zangah a koih khit ciangin, “Ke’n aman takpi kong cihinah na kikheel uh a, hih naupangno bang na suah kei uh leh, Vantung Gam sungah na tum zo kei ding uh hi. Tua ahih ciangin, naupang mah bangin lungsim a kiniamsakte in, Vantung Gam sungah a lian bel ahi ding hi.”

—Mattiu 18:2-4

*Mawhna kisikkik in*

Johan hong kilang a, gampa lakah baptaiz a, mawh kimaisak nadingin, mawhna kisik kikna thu leh baptaizna thu a hilh hi. Johan a kimat khit ciangin Jesu Galile ga-

mah pai a, Pasion’ Lungdamna Thu a hilhinah, “A hun a kicing zo hi. Pasion Gam a hong nai zo hi. Na mawhna kisik kik un la, Lungdamna Thu na um ta un,” a ci hi.

—Marka 1:4 leh 14, 15

“Ahi kei hi, kong ci hi. Note in zong na mawhna uh na kisik kik kei uh leh, tua mah bangin na kisia khin ding uh hi.” —Luka 13:3

“Tua ahih ciangin Pasion kiang pan nopna hun hong tung a, note ading hong koihsa Khrih Jesu hong paisak nadingin, note mawhna a sawp siang nading na kisik un la, na lungsim uh na kikheel un.” —Sawltakte’ Tangthu 3:19

(*laimai a zomah kizom.*)

# TUNI IN NANGMA HONPA IN KHRIST SANG IN

*Nang leh nang Jesu Khrist  
tengah kipia in*

TOPA tengah na vai teng ap in; amah muang in, amah in hong sem ding hi. —Late 37:5

“Pasian in a Tapa khat bek a piak dongin leitung mite a it hi. Tua Tapa a um mi khempuhte in kisia lo-a nuntak tawntungna a ngah nading ahi hi.”

—Johan 3:16

Amaute in, “Topa Jesu na up leh, nangmah tawh, na innkuan-pihte tawh, gupna na ngah ding hi,” ci-in.

—Sawltakte’ Tangthu 16:31

*Pasian in Ama tate hihna ding  
vang A hong pia hi*

Ahieh hangin amah sang a, ama min a umte khempuhtein Pasian’ tate suah theih na’ng thu a pia hi.... “Nopna note kong pia hi; keima nopna kong pia hi. Leitung mite in a piak bangin kong pia kei hi. Na lungmang kei un la, na lau kei un.” —Johan 1:12 leh 14:27

*A kilangin Khrist pulak in*

Bang hang hiam na cih uh leh, “Jesu in Topa a hi hi” ci-in na kam in mang a, Pasian in amah sihna pan a thosak kik zo hi ci-in na lungsim sungah na up leh, gupna na ngah ding hi.

—Rom 10:9

